

# COMUNE DE TERRANOIA



## FORMATZIONE DE SA LISTA DE LEVA DE SOS GIÒVANOS NÀSCHIDOS IN S'ANNU 2006

### SU SÌNDIGU

BISTOS sos artìculos 1932, 1933 e 1934 de su D.Lgs 15 de su mese de martzu de su 2010, n. 66, INFORMAT

- 1 - A sos giòvanos mascros chi in s'annu 2023 faghent degheoto annos de edade, su dovere de si fàghere introdurre in sa lista de leva de su Comune in ue sunt domitziliados a manera legale.
- 2 - A sos babbos e a sas mamas e a sos tutores de sos giòvanos mentovados in antis, s'òbligu de curare s'iscritzione in sa lista de sa leva.  
Relativu a cussu nadu in antis, sunt cunsiderados a manera legale domitziliados in su Comune:
  - a) sos giòvanos chi ant su babbu, sa mama o su tutore domitziliadu in su Comune, fintzas si issos istant in aterue, o sunt in servìtziu militare, sunt ausentes, ispatriados, emantzipados, in presone o sunt figios de unu ispatriadu, o de unu militare chi faghet galu servìtziu o est presoneri de gherra chi at àpidu s'ùrtimu domitzìliu in su Comune;
  - b) sos giòvanos cojuados, in ue su babbu o si non b'est custu sa mama, siant domitziliados in su Comune, semper chi giustificant de àere domitzìliu legale in un'àteru Comune;
  - c) sos giòvanos cojuados domitziliados in su Comune mancari si su babbu, o si non b'est custu sa mama, at su domitzìliu in aterue;
  - d) sos giòvanos nàschidos, domitziliados o chi bivent in su Comune, chi no ant su babbu, sa mama e su tutore;
  - e) sos giòvanos nàschidos o residentes in su Comune chi, no agatende-si in perunu de custos casos, non giustificant s'iscritzione issoro in un'àteru Comune;
- 3 - Pro more de s'iscritzione in sas listas de leva, est cunsideradu domitzìliu legale de su giòvanu nàschidu o chi istat a foras, su Comune in ue isse o sa famiglia sua sunt domitziliados in su territòriu de sa Repùblica; est a nàrrere, cando custu non si podet definire, su Comune indicadu dae su matessi giòvanu; est a nàrrere, si non b'est custa indicazione, su Comune de Roma.
- 4 - Sos giòvanos domitziliados in su Comune, in ue sa die de nàschida non podet èssere cunfirmada cun documentos beros e chi ant un'edade idònea pro sa leva, divent a manera uguale èssere iscritos in sas listas. Àteru e tantu bi sunt iscritos sos giòvanos chi, pro s'edade giusta si iscrient a manera voluntària, o sunt decrarados idòneos dae su babbu, sa mama o dae su tutore.
- 5 - Sos giòvanos mentovados a subra bogados dae sas listas dae su Sìndigu, e a manera eventuale fintzas dae sos registros, si, in antis de s'incorporazione issoro, resurtant chi ant un'edade prus minore de cussa reale, cun una còpia autèntica de atu de istadu tzivile o de sentèntzia de su Tribunale, chi cunfirmat un'edade de classe imbeniente a cussa de sa lista ligada a issos.

PRO ÀTERAS INFORMATZIONES PREGUNTARE A S'UFÌTZIU COMUNALE DE LEVA.

Dae sa residèntzia comunale, su 01/01/2023

SU SÌNDIGU  
Settimo Nizzi